

四庫全書

集部

欽定四庫全書

家藏集卷二十三

明 吳寬 撰

詩三十一首

謝周尚書伯常送魚次太保屠公韻

自此至京作

南行涉大江喚買隔船窗占夢雖非衆携來卻得雙尺
書烹有字長缺怨無腔酒熟真堪薦呼童倒玉缸

和屠公次前韻紀賜鮓魚

貢道沂長江頌來出瑣窗百筐皆滿尺八座合成雙

尚書

例賜二尾腥氣銀為鬣肥膏玉作腔知公食有剩須用置冰

缸

吏部右廂前種竹

老翁自把百年量種木何如種竹強乞得已從鄰舍近
移來恰比主人長成林便擬逃空谷賜笋無勞出上方

是日賜笋喜有雙松為伴侶歲寒高節共剛腸

謝僚友侶公摘送左廂前杏子

一樹臨窗初試花
又看結實壓枝斜
薰風吹熟甜如蜜
投我何須用木瓜

和周伯常謝侶公送杏杏為伯常植者二首

親手移來別苑花
隔窗窺見數枝斜
蚤知結實甘如許
何用青門去種瓜

數顆纍纍映雜花
方庭紅日影斜斜
夜來風雨還堪惜
已似黃臺四摘瓜

謝屠公送西域眼鏡

家藏古銅鏡滿面塵始拂不但人妍媸更可照百物雖然明若此其背暗如漆妍媸既莫辨百物亦盡匿此鏡從何來異哉不可詰圓與莢錢同淨與雲母匹又若台星然兩比半天出持之近眼眶偏宜對書帙蠅頭瑣細字明瑩類椽筆予生抱書淫視短苦目疾及茲佐吏曹文案夕未畢太宰定知我投贈不待乞一朝忽得此舊疾覺頓失謝却撥雲膏生白訝虛室扁鵲見五臟未必有奇術隨身或持此遂使目光溢世傳離婁明雙睛不

能沒千年黃壤間化此直百鎰聞之西域產其名殊不
一博物有張華吾當從彼質

舊蓄一鶴部中後三年復來而鶴尚存感而有
作

置爾寬閒處憶在三年前三年我復至見爾忽悽然爾
尚識我否不識有由然面皺鬚盡白豈似前三年惟爾
善飲啄頂朱翅仍玄誰能養爾翅更使羽毛全上飛入
白雲下集歸青田饑啄江南禾渴飲山中泉寬閒處在

此鴻鵠相周旋終歲被拘摯吾當還省愆

次韻屠公謝侶公送玉黃子二首

碧盃盛來黃玉團良工雖巧未能鑽臨風更帶清冰嚼
併作人間六月寒

牛心空是赤團團黃玉懸枝宛若鑽須共楊梅三百顆
冰盤錯落照人寒

歎右廂前枯梨樹

庭院陰疎日又西儵然相對有枯梨霜前少葉遭蟲蝕

月下無枝借鳥栖不及蒹葭猶倚玉爭如桃李自成蹊
吾生老態還同此禿髻臨風句強題

秋享齋宿

齋閣相通畫舫同置身書卷筆牀中沾衣尚帶丹墀雨
揮塵難招玉宇風高柳鳴蟬驚旅客枯梨行蟻對衰翁
到來兩月慚無補又是人間伏暑終

偶與屠侶二公論世俗以老態從上為壽徵戲
成二絕

六十餘年作宦游未知前路幾春秋人言老態須從上
白盡髭鬚正不愁

白盡髭鬚正不愁吟詩撚斷更風流從今越把詩吟苦
索性還教白到頭

謁陵與韓貫道戶部大勝寺前晚坐

高樹叢生積水清亂蟬齊噪夕陽明青苔滿地畱人蹟
黃土何年繫寺名便與詩家謀共隱不從衲子話無生
胡牀坐久涼陰下縛木為橋喜更平

小憩昌平城外崔老家

深巷陰陰古轍斜，青山不向小堂遮。
禾苗蔽野多遺穗，槐樹參天自落花。
百歲遷移燕地事，五陵豪傑漢人家。
主翁頭白無徭役，閒涉田園看摘瓜。

詠肩輿

翼然軒蓋忽臨頭，下澤渾非馬少游。
穩坐終嫌人代畜，平行聊當水乘舟。
步依綠樹還相礙，卧看青山得自由。
風雨出陵騎馬倦，一時無價可相酬。

謝屠公送新榛

七月遼陽已降霜
簪頭落地野榛香
三年不到燕山下
又喜頻將玉顆嘗

送吳箋與屠公

入手新詩已百篇
奉償日費有吳箋
故知供得高才足
歲取于今擬十千

答屠公見和

一歲詩成知幾篇
洛陽高價起華箋
况公更有鵝群好

未滿黃庭字五千

屠公和章有一歲百箋之句則百歲合用萬箋

次韻答之

興到揮毫乏短篇故應相送只長箋請公莫問長箋價
百歲都來少九千

題元朱本初道士貞一藁後

本初臨川人從吳全節宗師居大都

數祀名山所至考求地理作輿地圖考其詩
文藁名貞一序之者六人如虞邵菴范德機
及柳道傳諸公皆加稱許而親書其文
吾友陳留令王抑夫藏其藁示予請題

龍虎山中託鍊丹身操儒行隱黃冠解衣弄月當泉壑
滴露研朱倚石壇輿地著書還有考竹宮將命却無官
遺編不用重評品虞范親題在卷端

枯梨結實分送屠侶二公

誰道枯梨生意遲秋來結實尚離離斑多或被蚊蠅啣
味美還招鳥雀窺律在不妨猶擅食詩成相送敢違期
玉丸流液能消渴日啖何須說荔枝

答屠公謝送家園棗有僊種之稱

詩贈吳郎有杜公西鄰撲棗事還同若將僊種來相比
小圃安能抵閬風

秋壇陪祀

殿外冷風似颯然即看庭燎列星躔牲肥豈秩無文祀
穀熟當書大有年舜樂九成神欲陟魯宮三望事猶傳
小臣十載從龍處憶侍鑾輿向籍田

謝屠公送猫

東巷所居第破屋繞數間何物爭穿牖穴地深且跼入

夜呼隊出蹤蹟殊奸頑衣囊屢嚼嚙書架能緣攀厥類
雖甚夥厥狀亦甚孱即欲撲滅之寸矢弓莫彎誰家有
小畜非獾復非豸眈眈視而步如虎出深山善捕却容
易徧乞何其艱公幸恤我患使人忽分頒奇形合相法
尾短睛懸鰐黑白錯為章宛同野狸斑駿足尚可市此
價金千鍰今我幸得此夜卧不鰐鰐拊牀少叱咤高枕
當閉關利爪最善獲頭頸血流殷穴中知有警遠遁猶
窮蠻蘇子休賦黠張湯免誅姦但恐戀舊主逸去須遣

還持此為公謝簡略無多冊

夜閱陸放翁劔南集因懷北鄰故陸詹事廉伯
蓋集為陸君借予抄者惜未完耳

北鄰人去已三年覩物思人為悵然不信形骸難玩世
豈如糟粕自遺編隔牆無客敲碁局對案誰家棹酒船
九十放翁詩萬首可憐無復象翁賢

哀陳一夔

謫官已半刺出守仍一麾遠州久未到豈是行遲遲此

地少文物蠻夷竊相窺無由勞撫字劫掠以為嬉置君
於其地常恨非所宜一朝下恩旨稍幸得量移齊安佳
山水足以為詩資如何始聞命已與人世辭哀哉生何
蹇天道令人疑懷沙自求死澤畔非湘纍君容不憔悴
君性尤坦夷平生無所好所好止於詩每當尊俎間賓
朋爭笑嬉耳獨若不聞凝然方有思積成西潭稿千首
尚多遺往歲過吾家首簡乞題詞雅意久未復見面遂
無期遙遙度嶺嶠孤櫬誰扶持想應只僮僕返舍當何

時妻子相向哭悔不昔相隨薄暮寒窗下思君交涕洟
詩人例多窮身窮名不衰聊將此自慰亦以示所知

答劉時雍宣府見寄

懶不修書愧故知忽傳驛使遠投詩忍寒上谷分司地
冒暑西街作別時助盡軍興真不忝了來官事却非癡
新年有詔行當召北望遙歸慰我私

生日次韻答王汝見賀

入手投來絕妙詞忽驚生我日當斯衰疲強竭驅馳力

老大惟懷鞠育時上國醺人非麴米故鄉招客有萼絲
癡兒繞膝爭為壽不覺燈前一解頤

答濟之次前韻

春酒頻行莫致詞雪園何意客來斯歲除媿我仍初度
年壯看君獨後時六尺瘦軀支槁木數莖衰髻冒游絲
故鄉只合先歸去況話湖山便朶頤

家藏集卷二十三

欽定四庫全書

家藏集卷二十四

明 吳寬 撰

詩六十六首

戊午正月十一日郊壇分獻東鎮

半夜雲煙護石梯
燔柴初舉樂聲齊
旌幢繚繞天門近
臺殿依稀海市低
恍若神祇相上下
秩然海嶽隔東西
願言聖主精誠意
降福穰穰及遠黎

上元日邀鄉友小會

佳辰邀客徧東西誰惜長裾浣雪泥
駟馬僅容嫌巷隘濁醪能過愛牆低
聊因官假休衙早暫叙鄉情入座齊
莫念老夫筋力倦燒燈直欲聽朝雞

會飲屠公以不預會次韻見戲因和答之

雪後羣山映郭西肯勞玉趾履塗泥
市燈入夜光猶短鄉酒逢春味更低
寡和已慙歌似郢衆咻却恐語難齊
小堂若設三公席四坐人皆作木雞

朱天昭巡按福建還止宿城西佛寺以不預會
次韻復和答之

憲節遙停禁藥西南來驄馬不沾泥太微執法星躔近
滕六潛蹤雪陣低吳下異材原不乏睢陽高會故當齊
三年濶別多情話小約何妨忝與雞

送王惟安赴思南推官

年壯曾題太學名蒙恩初喜授官行舟乘驛傳從新例
囊帶刑書恤遠氓仕路誰為賢郡佐儒門不失舊家聲

春風得意過鄉國一夜桃花水自生

次韻玉汝志得曾孫之喜

男女早婚多一代只今人亦有恒言却慙小子為前輩

更喜名家得外孫

玉汝之孫娶于陸吳之著姓也

吳苑新居真福地

于公故事有高門客來偶叙家庭禮陡覺今年輩行尊

梨樹今歲復有一枝枯者感歎再詠

閒看梨樹發長吁已所枯枝旋復枯老態最堪為我伴
朽材終不要人扶回瞻桃李顏無厚徧歷風霜勢自孤

試待秋深仍結實收功還見在桑榆

讀石崇王明君詞

晉代何人石季倫古詞始倡王明君明君顏色不可見
後世只因顏色論自茲詞人不一一其間言語何紛紛
吾思明君顏色未必美畫工被殺非信史漢元嫁後漢
成世邊塞年年通漢使君王本是好色人昭陽宮中潸
禍水豈不學曹瞞念蔡姬黃金不惜贖蛾眉又恨明君
不製十八拍思怨誰將心事知嗚呼江都王女已先嫁

良家之子奚足悲婦人出處亦有命漢室禦戎何失正
請君譜作琵琶詞莫怨匈奴怨劉敬

詠吏部後園草木與屠公倡和

桃

城南春色曉移來粧點園林錦作堆嫩綠不須將葉認
淡紅已是帶花開玄都自發劉郎詠幽谷還教謝判裁
此日公門深似許晝長高鎖正掄材

梨

名果先從張谷來紛紛碎雪欲成堆
淡粧自把蛾眉掃巧笑誰將瓠齒開
園子豈求他種接主人能使及時栽
天桃灼灼驚凡目縞素應甘自不材

棗

蕭森何處為昇來曾帶荒園宿土堆
燥壤豈勞長甕灌低枝不礙短籬開
敢將艷色誇桃樹勝要清陰乞柳栽
賴有當時仙種語為薪莫漫比樗材

竹

種處能招鳳鳥來月明清影拂書堆
筍鞭遇石猶斜出
花米逢春莫亂開此物似賢今合薦
吾家醫俗舊曾栽
若從後園論高節梨白桃紅孰取材

杏

花信風寒已早來隔牆俄見赤雲堆
並頭兩樹長相倚
屈指三春始得開曲水少年誰復探
公門今日要兼栽
莫言結實供人啖破核還堪作藥材

馬蘭草

難呼童子上堦來頭髮鬢鬆亂作堆豐草舞風真錯認
繁花浥雨欲爭開長鏡荷處休教斲高岸崩時合用栽
誰擬梭櫚為拂子杜陵詩裏獨憐材

紫芥

滿目爛斑布地來春風驚見錦灰堆菜根作苦終嫌咬
茗葉浮香為撥開何處兔葵嗟競掇昨朝馬蔴悔多栽
傳聞此種番邦致用向中華亦楚材

酴醾玉簪

春色秋光遞往來憑闌數尺土高堆翠搖釵股風吹墮
玉削簪頭露濯開山谷詩中那忍摘唐昌觀裏合求栽
花容清麗人爭愛誰向周書問梓材

牡丹

嫣然國色眼中來紅玉分明簇一堆最愛倚闌如欲語
緣知舉酒特先開洛中舊譜頭須接吳下新居手自栽
若向花間求匹配揚州瓊樹是僊材

芍藥

品高真自廣陵來舊譜空憐壁角堆千葉連雲如並擁
兩枝迎日忽齊開詩中相謔何須贈檐上能賒也用栽
記取今年纔看起醉吟多藉麴生材

孟夏太廟候祭偶登東園涵春亭次韻

松陰覆處一亭幽涵盡春光送兩眸宮漏稀聞知地僻
胡牀列坐覺人稠桔槔倚樹禽相語略約橫溪水自流
不是廟庭來候祭晝長安得此清游

送徐侍郎公肅致仕

尺疏陳情再籲天病來翻幸得歸田高懷豈為虛名累
直道能將晚節全鄉社侍行多後輩都門追送半同年
只今晏子身仍在南去相從願執鞭

對萱花有感

節序交夏至繁花俱已摧幸有堦下萱爛熳猶爭開久
旱土更燥繞砌無青苔上焉炙烈日下焉撲浮埃如何
色仍秀豈是深根亥朝將清水沃恐爾晚易萎萎者既
先落秀者猶相催安得麥與禾似此一回栽年年摘其

穗坐食惟加培天時有水旱漠不能為災此花號忘憂
憂懷翻自來平原空若甌長河淺於杯居人及行客愁
歎聲如雷感召當分責食祿慚非材

校白集雜書六首

公事初閒就枕眠睡魔偏向靜時纏就中還有醒然處
為校蘓州刺史編

蘓州刺史十編成句近人情得俗名垂老讀來尤有味
文人從此莫相輕

廬山秀甲草堂低
抗郡湖開六井西
所幸平生最佳處
坐游時按集問題

白蓮青石未為奇
官滿舟中只自隨
二物千年還在否
清風誰報洛人知

齊雲樓子化煙埃
往日園池安在哉
故府荒蕪經世變
前賢遺蹟重堪哀

山路新開到武丘
仍栽花柳近河頭
吳人只愛行游便
還憶當時刺史不

次韻啓南游金焦二山見寄二首

西岷一股翠嶙峋，漂墮東南扼海神。
弱水混茫能負物，假山礧磈却勞人。
波光靜耀魚龍夜，地道潛通草木春。
更上妙高臺上去，世間何處避黃塵。

獨游勝地拈詩筆，豈是坡翁有後身。
天地何妨容一老，江山相對作三人。
茶新正趁中泠水，花在能儲四月春。
愧我經行猶別去，死生契濶不須論。

有懷亡友史西村不得同游

又次韻弔郭璞墓

瘞鶴銘題陶隱居當時同瘞骨應如詩篇入選非唐製
藝術流傳有晉書山石稜稜孤塚在江波滾滾一身餘
葬師尋穴嗟如許氣聚風藏事已虛

飲陽羨茶

今年陽羨山中品此日傾來始滿甌穀雨向前知苦雨
麥秋以後欲迎秋莫誇酒醴清還濁試看旗槍沉載浮
自得山人傳妙訣一時風味壓南州

吳大本嘗
論煎茶法

久旱始雨適校白集至喜雨篇因次韻

麥秋麥已無，沉種黍與菽。向晚聲蕭蕭，忽聽在枯竹。豈
惟驚我耳，遂爾拭吾目。起視方庭間，沾衣走僕僕。渠決
會須成，簷溜忽相續。憔悴兩青松，葉垂若新沐。萱花回
故紅，藤蔓長新綠。詩人歌太甚，及此和霖霖。時已慮獄
囚，詔方停土木。私舍未擬還，坐久索燈燭。

晝寢

深院三朝雨，微涼六月天。紗厨垂綠水，竹簟感蒼煙。不
用垂頭坐，初傳閣足眠。

屠公睦時以物
閣足自云樂甚

孔門嫌晝寢，犯

訓幾時悛

選事畢左闕下臨水東望

柳塘千頃綠雲鋪此景人間未必無金屋朱垣看倒影
只除海上是蓬壺

又聞鶯

上林綠暗始聞鶯只許啼來三兩聲莫道詩人聽不慣
曾歌伐木愛嚶嚶

小園初名一鶴後鶴失去乃改憶鶴亦以聲之

近耳

白羽翩然長似人慣聞呼伴向東鄰清菟招下天還暝
瘦骨埋來草又春少保畫圖傳粉墨長公詞賦說車輪
荒園不惜名重改過客無疑事始真

和濟之次玉汝過飲園居韻

扣門不厭往來頻乘暇相過總故人顧我已為黃面老
與君不是白頭新小園樹朽更三主委巷牆低少四鄰
日暮持杯難作別吳音滿坐語偏真

久雨遣悶

濕雲壓簷低不省猶是晝倚檻閱書編簷頭自懸溜銅
盆置庭中點滴若刻漏須臾雨來多聲響一何驟虹背
何曾彎雨脚不停走溽暑類江南濕氣屋未透小戶困
沮如俯出從狗竇頗聞石炭貴妻子自相詬幸此得安
居無術為援救硯沼映朮煙寫懷不能就

公署阻雨晚坐

公堂吏散下孤幃畏向長途冒雨歸壓架漸看藤蔓長

墜階初覺豆花稀
蛛藏簷隙難施巧
鼠噬書堆定苦飢
最是農家憂水溢
坐慚支祿更垂緋

夜宿公署不寐

郎吏巡風夜未眠
老夫愁雨亦醒然
暑回河朔三秋景
潤比江南五月天
似着寢衣齋榻上
即聽朝鼓禁門前
爭如蓑笠歸胥口
蘆葦叢中泊釣船

謝文宗儒以茶盃寄贈

疇昔山崖與水濱
行時茶具每隨身
俗緣未盡還分郡

清物猶存合贈人陸羽已嘗泉最美
遲任休說器惟新
只今紙裏真堪笑攜去尤驚范景仁

月蝕

怪哉如有物來侵奔走臺司奏鼓音
魯國不書非史闕
盧家多詠亦詩淫蒼蒼正色天殊近
隱隱幽光夜向深
正是生明人共仰浮雲來蔽又成陰

小池種蓮未發而葉頗盛晚坐賞之

秀色亭亭插淺波翠盤擎處只高荷
江湖入眼誰嫌小

風露驚心已覺多白羽似搖詩莫詠碧筒堪飲客須過
晚來閒聽蕭蕭雨獨欠扁舟着短蓑

聞故園山茶為人所折

山花昔年植正在竹亭西雨露頻長養豈同蒿與藜廿
年始還家見此枝猶低隔歲綴芳蕊花開剪成綈亭今
已撤去亂石甃為隄復此與花別夢寐不能迷頗聞此
樹下春來踏成蹊衡門不常關頑童皆有攜如何忍攀
折狼籍滿春泥遂令鳥雀至月夜無枝栖淵明問來使

草木入詩題安得人愛惜高與南簷齊

謝陳原會寄方爲

佳製新成一尺方退朝便作野人裝他年吳下登山好
着屐應憐去齒忙

聞西墳新栽松樹甚茂

東墳長松樹風雨屢拔之落落餘數箇古藤相附麗西
墳近所築數畝平如坻嫩檜既環植新松亦復移移來
自西嶺其短纔牛羴草棘每為厄腰鎌要鉏治常恐山

叟懶不見暢茂時家信忽遠至幸藉春雨滋青青自拔
起芄芄異茅茨千尺由寸莖長松總如斯百年藏吾骨
清陰抵高帷寄語子姪輩愛護當從茲

種蓮公署有一花二房之異

盡說人家有瑞蓮何人曾見綠房駢冰蠶分卧頭還並
翠鳥同棲翼自聯莫信楚江萍似斗空聞泰華藕如船
戶曹得此真為異定兆年年大有年

朱邸公挽章

金
卷二十一
虎城西踞壯神州身屬安危四十秋小大皆蒙賢將福
東南不繫聖君憂九京地隔旌麾偃百世人膺爵邑酬
能保榮名須令德古來休比富平侯

補壽徐閣學七十

黃閣身居近五雲四朝弼亮古嘗聞曾因舊學稱良傳
常有嘉謀告聖君故族遙傳徐孺子義田重置范希文
萬方錫福須勞助壽域高躋更策勲

恭題宣廟畫所翁畫龍圖

黑雲作雨初收脚似有飛龍露頭角恍然拈筆欲寫之
目眩金鱗仍走卻所翁好龍非好真真龍自為龍傳神
小臣稽首不敢視龍去鼎湖經幾春

題友雲吳尚書忠節錄後

南望滇池新廟開忠賢遺象許誰陪早知斯世為臣義
不負中朝出使才立脚肯因衰俗變戴頭真向朔庭來
百年宇內終當死大節堂堂未可哀

予既以憶鶴名園復有致一玄鶴者蓄之月餘

卷二十四
一旦飛去

短垣局促損精神憶鶴名園又有因野性未便煙火食
高情誰會水雲身縞衣化盡京塵滿碧落招來海月新
東去青田如不返須防鰲繳遇虞人

送少師徐公致仕歸宜興

丹陛班東第一人聖恩初許作閒身麟袍玉帶辭黃閣
龍敕朱函下紫宸盛事敢誇今最少賢名當使久如新
平生杖履相從志卷畫溪頭擬問津

送吳克溫奉旨護送舅氏少師公南還

千年詩裏渭陽情
往送誰辭此一行
御筆批來真有旨
驛舟馳去豈無名
相君久仰為前輩
舅氏相親是外甥
却到荆溪兼定省
白頭堂上喜還驚

詠水紅花

繞庭秋色為誰奢
舊譜無名亦自嘉
垂穗豈殊香稻粒
映叢惟少白蘋花
事忙豈有閒情種
人老如將醉面誇
留向窗前娛晚景
涼風起處莫吹斜

讀濟之撰貢士顧伯謙墓銘

墨痕濕處石初鐫入手銘文忽悵然好學如斯真可許
成名自昔豈無傳嚴親拭袂當靈几幼子攤牀亂舊編
落日起亭呼不起

伯謙號起亭

鄉邦爭惜後生賢

次韻玉汝新拜南京僉都御史之作

東街車騎少相過況聽南行又作歌冬日匆匆何甚短
晨星落落更無多豸冠旋製我晴晝鷁舫遙馳壓碧波
却訪舊游經虎觀也勞清夢繞鸞坡

予偶衣褐傳曰川舉孟子語見戲蓋以予名字
相屬也予以褐為賤者之服服之固宜亦仍孟
子語更號褐夫因作詩發曰川一笑

僕本吳中一賤儒久慙朝服強紆朱肯忘往昔稱飽老
只合從今號褐夫養勇怕逢官黜輩受廛願作許行徒
欲知名字原相屬試檢軻書定不誣

次韻劉時雍歸休留別

並綴朝班愧長年曾談雲夢有腴田天臨闕下頻投疏

水落灣頭早問船
冀馬歸山無一蹶
吳蠶登箔過三眠
岳陽樓上江湖近
范老高文定宛然

觀土魯番遣使入貢

西行萬里度流沙
職貢重修遠慕華
詔下已將金印復
師還不用玉門遮
毳衣伏地皆專使
皮幣充庭有數車
介子自甘為盜劫
奇功莫向聖朝誇

永定寺在予家西
唐韋刺史集有詠
閒齋北池
等詩至元高季迪
輩又有經永定廢
寺詩後構

造復完而堂揭海印舊榜乃元泰不華所書雄
偉可觀今年秋寺忽毀于火予少嘗讀書于此
因為詩惜之

廢寺經行處前人句裏來一朝不戒火百歲幾掄材齋
閣空春樹池塘滿却灰舊游真不忘誰掃讀書臺

詠甘菊

秋來有佳植種類繁且奢灼灼滿庭院其名為菊花世
人重顏色稱號何其嘉一種花甚小叢生只山家不假

人修飾婆娑任歌斜味甘而不苦色正而不邪采之可
以食苗葉嚼無查與杞氣味合天隨賦中誇吾老逾六
十不圖數年加扶衰正藉此何須紫河車有客分遺我
細根帶泥沙霜餘已枯槁實落手可爬明年當早食春
風又萌芽

題郭錦衣新宅假山

坐對前山起夕嵐只疑身到大江南危當樹杪雲峯倚
清逼窗間雪嶺含夾道似分青玉峽入門全類紫陽菴

主人愛石匠移宅移多還如米老參

閱黃山谷集見八音詩戲作一首


金鍾奏初響石磬聲難和色絲語終晦竹簡字偏磨置
向匏翁前自擊土鼓歌詩家有因革豫章如木何

題王浚之畫茅山圖

句容古縣頻來往萬轉荒溪出亂松畫裏茅山依舊在
白雲開處見三峯

送同年周公載運使擢按察使致仕

天馬行空莫敢驅十年爭歎服鹽車
竭來闕下增新秩竟向閩南問故居
名姓愧聯春榜舊聲華喜出戶曹餘
平生高致公應得竊祿銓曹獨笑予



家藏集卷二十四

欽定四庫全書

集部

家藏集卷二十五至
七

詳校官中書_臣賈鏊

中書_臣劉源溥覆勘

總校官進士_臣楊懋珩

校對官主事_臣張培

謄錄監生_臣張永浙

欽定四庫全書

家藏集卷二十五

明 吳寬 撰

詩六十三首

己未正月十四夜與爽園中看月

短垣先見月東升踏月行歌傍古藤此物要知終勝火
壯子語吾家方恨正無燈聊從杖屨憐兒子不設杯盤愧
友明白髮慚多良夜少仰天亦欲繫長繩

送梁洗馬使封安南

五鳳樓高賦早成，交人先已識才名。
誦詩三百能專對，問路西南却易行。
封冊遠頒金字細，賜袍新製赤文明。
平生不是相如輩，鄉里何勞負弩迎。

夜宿公署二首

脩然齋閣炷香清，省吏循牆已報更。
案牘頓踈詩易得，牀幃初下夢難成。
數莖細草繁霜少，一樹枯梨片月明。
春半故園花盡發，主人何處逐浮名。

倚牀長聽夜鷄鳴
顧影頻吁三兩聲
思潁徒為前輩事
游燕不是少年情
已藏舊厯開新厯
莫置長檠棄短檠
惟有註書心未老
窮愁何必比虞卿

失猫偶讀古人十二辰詩戲作一首招之

鼠輩公然畫出游
厨中恣食肥如牛
虎斑非輶憶此物
兔口無闕嗟為儔
徒聞泰龍術曾學
安論捕蛇功可收
塞翁失馬終非福
牧子亡羊政爾憂
獼猴若馴我豈愛
雞犬或放人須求
歸來買猪肉餒汝
置汝十二生肖頭

詠南內新柳五首

宮柳條長綠漸深
苑牆一帶欲成陰
鑾輿春半稀游幸
不用相如賦上林

向來千樹總枯楊
又見青青覆苑牆
獨有老人堪歎息
春風不到鬢絲傍

節近清明柳色新
玉河橋畔少車塵
都門送別應無數
誰敢臨岐折贈人

綠嫩遙看更碧柔
非煙非霧曉難收
牆高不使花飛過

却化浮萍出御溝

狂風吹得數枝斜
翔鳳樓高未許遮
忽聽啞啞無處覓
不知葉密已藏鴉

梨樹盡枯下復發
數花更識感歎

數花明處夕陽遲
屋角春風不滿吹
短枿未多行蟻下
孤根亦有蟄龍知
詩家只愛歌桃葉
老婦如看舞柘枝
歲復歲來人共老
星星白髮總如斯

獨遊部中後園看梨花
簡舊寮侶公

紛紛香雪覆南牆去歲看花共下堂春滿名園非洛下
人如前度少劉郎官途易散浮雲薄公事初稀白日長
更過數朝應落盡重來一醉亦何妨

次韻王汝報恩寺訪舊蓋嘗同寓文僧房今三
十二年矣

步屨重臨塔影邊禪房深處裊香煙金陵王氣惟當代
蘭若清氛似往年花石映門幽徑側竹林圍屋古臺前
舊游零落多詩思莫怪摩挲為悵然

酴醾花下偶成

手插芳根傍右廂
春來競發似新粧
驚看白髮三千丈
笑對金釵十二行
為想得名因以色
若教結實定無香
花開閱盡人間客
百歲都能醉幾場

祈雨齋宿

青天一片月初肥
貪看從來惜素輝
春盡酴醾綠架發
夜深蝙蝠遶簷飛
安居獨守垂堂戒
飽飯難逃素食譏
坐久載歌雲漢句
不知天意與誰違

二月十五日殿試東閣閱卷抵夜始出

五鳳樓前滿素輝
黃昏踏月過彤闈
遙聞銀鑰將收起
莫認金蓮獨送歸
三百登科無曲學
九重側席定宵衣
不緣倖直初來此
宮樹驚烏欲亂飛

十七日東閣喜雨

三日齋居念聖躬
麥秋將至重農功
下方和氣能為雨
盡日濃陰不作風
灑徧北門簷溜急
挹多東閣硯池空
緋袍不惜皆沾濕
抱卷初來翠殿中

憶前年是日雨中與李世賢同游吳中西山

肩輿冒雨過田塍又歎人生二歲增鄉里喜逢青瑣客

山林驚見白頭僧龍門截窠雲千疊

龍門在
天平山

松徑逶迤

嶺十層

自支硎至天
平凡歷十嶺

此日緋袍殿中跪金籠牛首信陶

弘

東鄰葉翁送白牡丹

故園兩歲夢鞵紅鳳尾花新百種空

家有牡丹一株花
後有二瓣稍張人

名鳳
尾

錦幄未能如富室瓦盆亦足慰衰翁一枝爭買金

錢滿三朶齊開玉盞同獨恨春深無暇賞暮歸吹落又
狂風

初聞鶯

屋上鵲鳩無數鳴春來何處有流鶯年華荏苒終三月
音調間關第一聲幽谷出來如有意上林投去又無情
吳城東畔茅亭下憶在垂楊夕照明

秦公邀賞左廂前芍藥

妙手何人簇絳紗平臺驚見數枝斜梁家園裏無遺種

往時小南城梁氏芍藥最盛號梁家園人吏部庭前得
多携酒賞之後其家廢遂無一本在者

好花量淺莫將深盞酌眼昏猶用密簾遮詩中近侍非

公論誰說唐人是作家

唐人詠牡丹有芍藥與君為近侍之句

病目

吾生短視物如遮老眼重增滿黑花及席終當憑相者
檢方須用問醫家欲看花已過三月未讀書應尚五車
昨日臨池猶作字數行春蚓總歌斜

太廟候祭復游東園

百畝園依清廟開去年首夏憶曾來繁花盡落留紅藥
新筍叢生帶綠苔北闕倚雲通劍珮南宮隔水見亭臺
令人又作山林想況有蕭蕭白髮催

次韻周伯常尚書秩滿

海內頻逢大有年績書三載不徒然太倉未發陳陳粟

東省須開秩秩筵近荷寵褒卿有理

近有內臣陳乞一事公執奏不已竟

蒙旨云卿等所言有理

久違清誨我多愆青宮舊學當年事執卷

猶思傍細氈

予與公舊為寮友

又次韻紀謝賜物

紅日初高啓九閭詔傳馬上小黃門物頒八座雖常例
身事三朝有舊恩早戒吏人書象笏暮開家廟勺犧尊
仰瞻喉舌公須應囊括休占六四坤

題朱澤民集古玉圖後

五瑞示信存虞書玄圭錫禹成功初後來列國分寶玉
魯璜楚璧皆其餘闕河方折不愛寶昆吾刀銛雪同皓
辟邪人馬若天成璣環琕琕猶文藻卧蠶盤螭看更好

卷二十五
細數三十種非少今世誰為張茂先試言此物何人造
雞冠燕粟及猪肪土花半蝕痕蒼蒼其間直出三代上
遺形尚發乎尹光龍眠居士不可作洗玉池中水應涸
何如征東舊提學過眼寫之無執著丈楮流傳二百年
妙矣宛如新出璞

李時雍戶部久居南土端午再蒙扇縷之賜相
與感歎有作

身到彤庭續舊游御橋俄與百官留趨朝步溢雖難進

賜物恩濃好共酬
字扇有銘休障面
綵絲成縷欲纏頭
端陽節近題詩慣
謾說江南競渡舟

讀劉靜修先生集

木落西山見一峯
容城何處問遺蹤
德輝欲覽空翔鳳
王業如興有卧龍
隱蹟微茫隨世代
悲歌激烈發心胸
靜修齋裏高風遠
晚學樞衣恨莫從

竹園壽集

別有序

七客同期賀誕辰
古詩三壽句如新
合為一百八十歲

傲樂天語總是東西南北人露下高松如細雨風回脩竹滿

清塵杏園雅集今重見良史當筵亦寫真

次前韻自壽

予惟乙卯是生辰老大無聞白髮新韓子立朝猶此秩

溫公入會獨何人

溫公預真率會時亦年六十五

瞥然一世如驚電瞠

若三賢豈後塵更待他年為此集香山容我作劉真

次韻周公自壽

莫較生年卯與申忝登科甲亦為辰三公齊壽今難並

兩署同官舊有因

翰林吏部

節傲歲寒依竹祖陰連夜合對

花神吾皇錫福真能助願築春臺徧九垓

玉汝年亦六十以擢僉南臺不預壽集因次前

韻以寄

誕節曾聞歲在申善忘無復是生辰

玉汝生日北都遠予每忘賀

北都遠

眺惟南國三壽同躋少一人臺署升堂分柱史戈船鼓

擢動江神

兼管操江

直看更得玄孫喜祝頌無如此意真

玉汝

年未六十已得曾孫二人

端陽邀鄉友小飲

此日端陽兼夏至佳時又喜有詩材城中強取園池樂
海上正當風雨來鄉郡繁雄休復論賓筵狼藉更須陪
人生會合非容易馬上何妨看月回

秦公崇化為江西布政使時嘗泊九江忽見數
舟遭風被覆使人救之獲生有為詩美之予亦
為作一首

九江柘磯風力惡白頭浪起舟難泊魚龍跳舞賈客愁

檣傾檝推凡幾舟浪裏漂流命如擲岸上何人獨相惜
須臾挽之登衽席仁哉賴有秦方伯此事傳聞爭歎息
嗟嗟江西之民有萬億溺者豈惟為賈客不知陸地上
方伯舉手長援溺

玉延亭西植夜合花二首

夜合花開滿樹紅吳人賤汝號烏茸家僮斫去為薪用
却向亭西植兩叢

東莊有夜合二株甚鉅
家僮惡其覆水斫去之

兩叢如杖植亭西暑月能遮赤日低待得成陰吾已去

後人須記白公題

白樂天詩夜合
花開日正西

董北苑溪山風雨圖

黑雲擁高山頃刻風雨至豁然海潮聲艸木爭偃地曠
野少人行山僧獨歸寺衲衣盡沾濕敲戶何急事倉皇
村居民乘屋亦何亟一婢已抱甕一婦更持器重茅惜
被卷破屋家所寄戴笠者漁郎理網屈雙臂老翁若望
家擔物終不棄陸走尚甚危水行可無畏前溪波浪惡
篙折水流駛行者當早歸居者不預備良工為此圖三

歎有深意想見晚來晴雲淨山潑翠始信翫時間天工
特相戲

次韻李時雍病起二首

病骨稜稜帶白鬚誰知詩腹却長腴黃扉出納聲名久
紫禁追隨意氣孚終喜和鳴同瑞鳥難教馳步學生駒
西風欲起猶持扇應怪元規塵易污

南國遙遙望眼舒承恩相好自傳臚強煩官秩居金部
幸接班行在玉除旱比往年何太甚暑從今日是多餘

是日立秋入朝又喜披公服侍史須將日曆書

哀文宗儒

吾鄉沈衢州遠致尺書在發書報文侯有疽發于背我
憂體肥人此疾恐為害猶冀有良醫或倚以致瘥憂懷
適浹旬浙疏馳獨快乃六月七日死期特兼載哀哉此
良牧天奪真可怪念昔為永嘉勤政略不懈豪民戶先
鉏淫鬼祠必壞撫下自有術百里免凋瘵及此領郡符
先聲過疆界窮谷爭出迎耄倪總羅拜君初聞再起仕

路厭行邁因察民情歡下車始無悔爬梳積弊源一旦
決欲漬坐堂日孜孜訪問及細碎孰為狼所貪孰為蚊
所嘬狂獄滿冤囚親手為破械去歲東海涯光氣作妖
怪橫飛類鬼車數丈無首戴具疏即自劾遂及弊事槩
謂此如許除吾寧自引退有司格不行當道有窒礙公
退長太息空負民所愛吾惟盡職業庶償為守債使民
自按堵守法勿就逮百家立為約禮義相告戒民曰賢
侯言敢不各敬佩君終抱憂思弊事卒吾敗大者如鹽

鐵骨髓竭稱貸彼力固已窮吾體亦真憊遙遙走一使
求去乃至再知己總愛才不使投匭內孰知今日事俄
有此變態凡君求歸休民輒歎無賴群情達銓曹以及
寮與寮今也魂茫茫棺歸只空厩豈惟民無依失侶嗟
我輩久為晚年期几杖作鄉會對酒乏清言臨事無善
誨城西多舊游山色愁晚對有穴未及臨淚盡繼以嘸
中秋夜偶過濟之忽鄉友數輩至遂成良會濟
之有詩次韻

晚涼東巷偶相過小適園中奈近何秋到共傳平半好
客來不速過三多金尊注酒微微飲綵筆題詩緩緩歌
白髮滿頭重看月素娥應笑已非他

次韻周伯常落齒

人具脆與軀老至必衰矣向來少艾時金石自比擬孰
知銷與泐成壞乃常理何必驗他人亦嘗察諸已憶昔
為兒童當門齒先毀家人不驚異嬉戲翻噴水忽忽六
十餘僅保此頑體齒勢終欲落幸未與公比公年視吾

少却以落齒恥且云半百初齒即已落只今歲落到牙
而年順及耳動搖每朝叩藥物更服餌作羹怯駝蹄下
飯愛牛乳存者費剔肉尤苦於目眯又如澗中石漱處
帶泥滓有齒且自落有命當自俟勿為引身謀區區緣
數齒

題三忠廟廟在城東祀諸葛武侯岳武穆王文
信公都人周珍買地以建者

都城東面起車塵廟貌巍然見鼎新漢業強從三國號

宋家難贖兩賢身朝班可勸為忠事野史能歌好義人
上下千年同室坐有周端合配三仁

送濟之歸省

冰花欲結潞河灣驛棹南行未許閒恩賜已知千鎰重
壽容應見兩眉彎天高鴻燕難相值

予再入翰林而濟之適去

春到

江湖及早還安得從行仍作伴勝游當共了西山

范石湖游

洞庭山詩云西山纔了又東山予往年已游東山獨欠西山之游耳

送馬秀才

成化戊子冬予上京會試除夜宿清河口汪是家時是初生子去歲是來

視予偶以病卒為棺斂返葬
頃其子溥來謝因以詩送之

昔過清河古縣前三義田舍憶曾眠停車暫寓當除夜
懸矢初生已壯年丹旄可憐依旅殯素冠深愧附官船
天寒水溢驅馳遠行孝應將姓字傳

再入翰林次韻周伯常見寄

天曹昔忝挹清塵仕學兼資意更真三嚙已沾松下露
一噓如沐琯中春唐朝學士聊兼職周禮司徒重教民
闕下方期從步履衰年病肺恨多屯

內閣閱秘書喜得石湖集

衰年何意到文淵萬卷書中又木天
賴有好書心未老
開厨先得石湖編

冬日內閣閱書二首

午夢瞢瞢在舊曹隔窗人語怪嘈嘈
日光不到疎櫺上
始覺宮牆數仞高

簷際濃雲故意黃初看微雪點宮牆
外邊寒氣知尤甚
更熟烏薪取酒嘗

自述

行年六十五多病力尤微館閣無才稱山林與願違白
頭休傍鏡瘦骨不勝衣強作趨朝步低頭過瑣闥

早入直房

鳳樓西北望乘月步來深舊館聯詹事新銜復翰林背
燈聊養目面壁豈明心石砌重登處何人識足音

輓陳堅遠通判

黔陽出宰向南馳通守長沙又幾時每愛清修長向慕

久無佳報已生疑故家譜在多遺事合郡人應有去思
難弟相逢能慰我為談接武得麟兒

喜杜子開將有興復先世延綠亭之意

隱儒雅號託東原因對旌門有小園瓦礫未除庭館廢
衣冠不乏子孫繁便栽美竹開修徑更種垂楊築短垣
誰作杜陵興復計平泉有記不須言

病肺

肺病從何生茫然使我疑安得上池水飲以洞見之其

初動則喘百步足莫移有如登山然氣息促噓噓胸膈
痛若刺坐定須少時寒風屢擊搏咳嗽理所宜聲出難
自制痰生與聲馳長夜兀兀坐披衣踞如箕倚牀嘔出
心獲獲連涕洟服藥罔奏功古方豈予欺中心竊自忖
吾當詢上醫醫云肺受病火邪鬱于斯乾枯口欲飲洪
大脈不遲其證見於外不待言而知大腸為肺表又為
脾土司其法當治本此疾其已而我聞上醫言直以病
源推孰知老年人自與病為期血氣已先耗精力從而

衰百病乃橫出豈但肺與脾譬之庭前木初發甚榮滋
及其歷歲久自爾枯而姜根非不附土壅既亦徒為人
病實坐老藥力將安施惟當蚤休退旦暮恒熙熙內以
養寸心外以息四支庶幾全天年瞑目與世辭坐客勿
多訝吾言是醫師

病中讀白集擬作二首

爐中添炭火長紅屋底脩然一老翁褥厚枕高眠未穩
飯香羹美食難空豈因避俗居深巷即欲趨朝怯冷風

纔得安閒便生病官高休更說三公

紙窗糊密一燈明古木號寒欲二更棲鳥並枝知雪候
蟄蟲坯戶避風聲蠹編亂向書厨積蛛網難從藥裏生
何事衰年成肺病旁人莫訝酒為名

范石湖集有卧帽詩病中畏寒畧效其制

牀幃夜下入寒颼卧具新成頗自宜落帽孟嘉無復爾
結纓季路亦何為老來髮禿兼能護近得頭風不用醫
欲向石湖傳舊樣兜鍪相似只存詩

觀烏絲競渡圖

五色彰施成畫片刺繡刻絲吾屢見何來一段蹟尤奇
烏絲細入鵝溪絹首印尾掉紛龍舟天潢競渡過中流
虹橋千丈彎如卧雲閣半空高欲浮輕舸蕩漾呈百戲
吹笛擊鼙爭意氣冠裳立候總朝臣御駕來應鉅闕是
偶觀妙手絕代無老眼頻疑畫史摹女工挑綫亦常有
誰聚氎毛為此圖印文特識元文代上有奎章天厯在
么麼十五字題名至大仍書庚戌載

後有字二行曰至大庚戌王振鵬為

翰林承旨
曹公作

御府畫圖皆等閒後皇對此獨開顏苑中刻

木能依樣贏得都人號魯班

順帝性巧自製龍舟人稱魯班天子

美曹太守毀淫祠

神耶妖耶吾不知相版五色錯雜施牆隅小廟瓦數片

吳下人家家有之家人有病問卦師師云汝病神所為

殺猪烹羊陳祭品歌謳贊歎上酒卮侑以吹竹仍彈絲

號以茶筵真酒席宛如生人宴會時有祭自豐病自危

吳人豈皆白鬚眉如何至死猶不悟惡俗信鬼不信醫

豈惟生死于神聽商賈出入聽指撝賢哉黃堂曹太守
諭民此事何不思聰明正直者為神焉肯嗜汝酒與犧
祭者得生不祭死神道所好何偏私且彼為神既尊貴
身居小廟嗟何卑汝民愚昧誠可憫憫汝徒費空家貲
太守升堂朝出令民心敬信猶著龜爭持神象出門毀
烈火三日焚無遺端如人醉今始醒風化頓覺隨時移
唐有狄公任巡使美政先聞毀淫祠後來入朝作賢相
邪鬼安敢侮與欺我願吳人常奉令自此崇正無復疑

祖先當祭祭勿薄五祀當祭祭勿遲遂成美俗載郡志
當與賢守名同垂

壽都憲閔公七十

宮保官高壽古稀臺端德重自生威浙西山水鍾清遠
斗北星辰傍紫微執法獨蒙公論許引年難負聖恩歸
眼前相稱緋袍好增秩須將玉帶圍

雪中朝回題陸全卿所藏趙千里卧雪圖

水閣傍寒塘雪深沒茅把曉見白皚皚松竹枝盡亞天

關集朝韡冷風透雙踝須知卧雪人猶勝踏雪者

煨橘

洞庭霜後顆燕市雪中團冷比冰冷柱堅於金彈丸齒
牢誰嚼得指瘡欲投難舊作糖囊詠今將火齊看炮來
非入藥鍊出似成丹香噴皮初剥園收核謾鑽人情惟
軟熟風度少寒酸莫向吳人說家家正滿盤

刻李貞伯篆書海月菴扁

篆法久欲絕李公得真傳近時鄉先輩彷彿如滕權昔

為我題扁握筆指腕懸顧盼張髯鬚起立竦背肩俯仰
為陳蹟屈指十五年破屋垂雨溜庠牆上蝸涎三字被
侵蝕黑點猶高縣海月夜照之墨光却新鮮正如公性
氣精悍老猶然見物不見人吳山隔重泉惜哉不可作
手蹟忍弃捐壽以西川木良工善雕鐫庶幾如坐對仰
面在屋椽

家藏集卷二十五

欽定四庫全書

家藏集卷二十六

明 吳寬 撰

詩五十首

元日早朝次林亨大韻

聖主朝元再遇申

戊申改元
今復庚申

萬年行夏盡從寅雞人高

唱時為卯鳳歷初開日屬辰

是日
丙辰

傳出制詞均大慶獻

來方物見咸賓登臺定有占年者平旦條風是好春

郊祀翰林朝房齋宿承傳曰川見過

壁宿東行近紫宸
光芒昨夜動初春
久傳天上騎箕事
能念河西斫桂人
空谷聞音真可喜
小童見跋却堪嗔
清茶一啜忽忽去
千步長廊月色新

夜坐復次韻

靜坐焚香拱玉宸
喬柯隔屋已含春
流年不覺重加我
勝日方知正屬人
是日初七座有詩家還索詠
駕回俗士定生嗔
郊南豈是嬉游地
拭目應瞻萬物新

宿神樂觀

神宮游處擬華胥臺殿分明切太虛衰病豈能供祀事
幽閒纔得遇齋居高林聲撼春風厲小閣光浮白日舒
向晚困來先索枕且從莊叟夢蘧蘧

過沈道士舊館

神宮有地在西偏舊館重尋又幾年座上獨詢僊伯壽

沈年已
八十二

集中如詠古人篇

沈休文有游
沈道士館詩

當門老樹根株

盡隔屋新居棟宇連誰說桃源能避世雞鳴深巷滿人

煙

元夕邀鄉友會飲

絳蠟初燃上小廳
繁花忽地滿圍屏
前年客籍休重檢
合座鄉音自可聽
鼙鼓風傳通夜市
草堂月出隱春星
諸公勲業他時事
此夕杯行且莫停

次韻屠公過賞繚絲燈

聊乘佳節枉羣公
特設屏燈照醉容
雲母擘開成五色
鮫人織出費千功
似觀池上閻生畫

上作十八學士象

相稱筵

前李賀鍾銀燭再燒光正好只疑身在玉樓東

過鄉人賞燈

新春車騎集東街共愛華燈盡好懷屈曲屏將雲錦簇
方空斛是玉絲排鬼工瑣細終傷巧蠻舞麕疎亦類俳
坐久鐵簫聲未斷更燒銀燭過書齋

同年會飲

當日城西約已違同年作會恨何稀老身忽歎將專席
舊物空憐是賜衣僅有八人連臬府都來九度過春闈

安能盡赴天書召坐滿長筵齒更依

時陳瑞卿以山東副使來考滿

送同年陳瑞卿憲副還臨清

坐臨雄鎮近齊東六載褒詞出考功
臬府書開兵衛肅郵程水長檄書通
賢勞當在超遷上契誼頻從雅會中
最是灣頭催解纜畫船南引恨春風

次韻沈石田題奕姪影翠軒

天街眯目滿緇塵竹樹誰家自作鄰
吳下正憂連歲旱燕南如見故園春
臨窗弄筆圖偏妙對景題詩語最真

他日軒中須晏坐翠陰應覆白頭新

園中作石臺其旁多棗樹以木末相結如屋形
石臺清樾淨埃塵枝幹相樛結構新司馬花菴工最省
申屠樹屋事成真野航恰受無多客大厦將顛自近鄰
却笑平生鳩比拙作巢聊爾獨栖身

吏部右廂前有朱藤一株予手種也今歲始開
花開甚盛

手種朱藤已七年長條緣架每相纏只看葉密清陰覆

忽報花多紫粉懸風下掉頭嫌一老雨餘舒眼盼三賢
從今堆字詩還和寫入當年草木編

六月十三日園居喜雨

溽暑三朝北土無翻盆一雨已連晡只從碧落傾銀漢
不用清冰貯玉壺風偃小園紛艸木水深平地欲江湖
忽然志喜緣何事弧矢漂流走訓狐

園居雨後六言四首

鑿渠暗疏積水開徑勝引清風初喜一場雨過夕陽正

射牆東

水接方池綠滿花填小徑紅疎
日落槐蟲自起雨多菊
虎能除

高荷種出幾柄矮竹移來數叢
豆莢生心自綠葵花老
去猶紅

清唳每憐白鶴長號頗厭玄蟬
晚來更有忙事窓下自
收簡編

觀天鵝池中對浴

白羽雪同明游戲綠波裏為我增顏色小池亦清泚新
蒲生正繁高荷淨如洗衆碧相掩映倏爾欲藏尾萍藻
浴且浮恣食更從爾爾本雲衢物何時落塵滓猶勝樊
籠中容與莫驚起

玉延亭傍新開小徑二首

路轉朱藤近水涯過橋常恐墮青鞵如今足力真能省
五步移來即上堦

牆隅隙地結茅菴只尺孤亭手可探獨自步來從捷徑

却無人道是終南

新正無事偶閱鄉先哲范文穆公石湖詩集見
其多道吳中事因摘取其句有涉于春者輒賦
一絕得十二首蓋予入官適三十年處世幾七
十歲公私所繫不即歸田賦成令兒子輩誦之
恍如身在吳中亦可以自慰也昔人有和陶之
作予僭名為廢范其不免文穆公之笑乎

雪寒探梅

詩云吳下得
春元自晚

新年京國競繁華東巷深居自一家春到不如吳下晚
石湖詩裏探梅花

賞海棠

詩云聊為海棠修故事

探梅直過萬山隈手內何曾折得回故事重修春不斷
石湖詩裏海棠開

新正書懷

詩云先渡南村學灌畦
注新圃在湖南名范村

年來雙足弱難行却遣郊南再看牲夜半范村將夢渡
石湖詩裏一舟輕

春朝早起

詩云寒暄
病骨知

新正有假放朝官
夜宿齋房睡未安
却怪山林猶早起
石湖詩裏怯春寒

元日立春

詩云交運
丑支辛

吳中士女愛迎春
爭看千行百戲陳

近歲吳中迎春以
物貨各置綵亭中

而諸行賈從其
後視昔為盛

兀坐窗間論歲序
石湖詩裏丑支辛

詠吳中二燈

詩云雨絲風外綯
又云弱骨千絲結

吳中元夕舊相承
街上家家搭竹棚
夜靜風沙吹滿屋

石湖詩裏看絲燈

丙午新年六十一歲俗謂之元命

詩云歲後當生次星

臨本

命辰

強將華髮戴朝簪元命

開

來七歲深我比前人尤覺老

石湖詩裏記星臨

春日田園雜興

詩云一年一度游山寺不上靈巖即虎丘

靈巖上了虎丘還春到吳人更不閒兩地一年仍一度

石湖詩裏去游山

春困

詩云諾惺惺裏呼春困注吳俗立春日兒童以春困相呼

菜盤椒酒憶江南春困相呼我獨堪
世外尚無人解此
石湖詩裏諾惺惺

乾道辛卯三月望夜與周子充內翰泛舟石

湖距九年復以是夕泛湖有懷昔游

詩云石湖花月

浮春空憶共
儂人同短篷

紫薇村北暮煙收花月浮空記昔游
我後益公還識面
石湖詩裏泛儂舟

自橫塘過黃山

詩云東風已綠南溪水更染溪南萬柳條

溪南萬柳綠成灣先壠頻年抵暮還遙望松楸常灑淚
石湖詩裏過黃山

民病春疫

詩云連年薄熟甌生塵又云疲氓憊矣可更痛

吳田連熟事非真半在官倉半在人疲憊滿村春病疫
石湖詩裏歎吾民

寄壽吳子高六十

吳門別後意常懸使到頻將手札傳汝老已當三壽始

吾哀又在六年前步來委巷諸徒滿望取高科有子賢
春酒一尊須共飲欲從明主乞歸田

為倪尚書題王孟端舍人墨竹

上有胡
谷酒詩

翛然見此林下姿清省頗類陰何詩舍人自得揮毫趣
湖州已逝前無師平生見話足高致俗子來乞以手麾
不知此幅為誰作增價況有頤菴詞青溪太宰童子時
自言故人持贈之立朝卓卓重風節此君契合能相資
南來行李特攜此不忍棄去緣心知自公退食持示我

似竹可喜何須疑為公臨楮賦淇澳清風拂葉猶猗猗
為陸全卿題米南宮雪景

北固山前江水清長供此老濯冠纓焚香寶晉齋中坐
江山寫入毫端輕此老胸中有奇氣不與衆史閒爭名
翛然一種自機軸驚倒范寬并李成昔者吾嘗閱畫史
真蹟人間嗟見此卧游佳境不逢人但覺寒光浮滌几
古樹枝摧瞰急湍雪嶺更從人面起全卿藏此凡兩幅
持一贈我分片玉曾是平生好潔人挂處休將手頻觸

為楊起同題沈石田擬謝雪村山水

雪村已逝知幾年妙畫曾向吳中傳少時看畫老能憶
此事還輸沈石田昨者西閭揚給事乘興放舟過相川
坐間偶及雪村畫為言楊謝世有連石田呼童急展絹
冉冉水石兼雪煙兩山秀色相對峙長松落磴聲隨泉
禿翁觀泉不歸去豈是磴底尋詩篇石田作畫不賣錢
給事得之真有緣墨痕斷爛稱古蹟莫上米家書畫船

為錢世恒題石田雪景

都下類江南暑氣一何酷錢卿適開筵羽扇不停撲忽
然坐凌陰挂壁有長幅高峯樹玉幢空洞倚堊屋皚皚
不可辨豈復分澗谷故家虞山陽昆湖真在目水榭何
年成分明傍湖曲隔船人試問艤棹何所欲客云不干
人聊借松下宿松樹數十株忍寒仍故綠對之恣披襟
寒氣迫詩腹日暮暑未消持杯故相觸寄語石田翁此
圖金莫贖

為毛貞甫題孫君澤山水

十日一水五日石古人畫筆殫精力後來簡澹亦天成
披圖試看孫君澤山腰飛瀑千尺長懸厓老樹為山梁
人間溽暑不可耐欲從二老乘新涼

又為題高房山山水

燕南感翠惟房山高公昔者生其間戲拈畫筆少明豁
玉女峯亞垂煙鬟積雨初收隔春樹望見人家隔邊住
亦知中有王維詩行到水窮無覓處

為杭人題畫

山水佳且近古杭猶未游開圖見所似畫手擅風流松
林敞茅屋高士亦何求袒裼坐終日富貴如雲浮北嶺
可杖策西湖宜泛舟他時挂冠去終與杭人謀

和楊應寧次陶韻止酒

孔門好學人謂未見其止竊嘗聞斯言乃在魯論裏未
止以止學善學顏氏子惟彼旨哉味入口顧不喜嗟孰
為厲階爰自杜康起紛紛嵇阮徒以醉自有理異世特
相契兩醒屈與已柴桑雖任真空言亦邈矣茫茫涉大

川此止未有涖詩史紀厥始惟十有三祀

夏日園中小適二首

藤蔓紅稀棗葉青欲逃新暑只登亭夕陽西去清陰滿
閒向籬根拾鶴翎

荷錢初放亂浮萍却有新條結翠屏幾日小園無雨到
莫斟池水入花瓶

次韻鳴治病中二首

北望成均對兩廂喜聞勿藥下危牀問奇客至如揚子

求益人多異互鄉半月不因陪祭懶十年惟有著書忙
時人欲識高賢意道體于今用亦藏

不見高賢歲又重佳篇欲和愧難工過從未許仍隨衆
予告緣知亦在公故里方山猶自好新年尊酒定誰同
春風座上橫經處須信先生道未窮

雪園雜賦四首

因從塵市過始覺雪園清鶴蹟皆成字鳥啼似語名石
低叢竹倚架重古藤橫委巷無來客空餘酒滿罍

雪園何所有一望白皚皚已沒新開徑還堆舊築臺樂
將槐角碾香以栢鈴煨偶憶前人事詩從鳳沼來
雪園何所得投我是瓊瑤把滑還循檻衝寒亦過橋空
中真有絮畫裏豈無蕉掃去人何俗誰家擁樹腰
雪園何所樂筇杖日頻拖池涸無魚筍林空只鳥窠形
慚珠玉穢家愛米鹽多禁體爭誇巧當時禁若何

寄壽陳朝用布政

款門憶昨駐肩輿別去深慚音信闕壽域遙瞻三載後

詩篇急補七旬餘閩南遺愛傳應徧洛下耆英會不踈
娛老莫將他事說麟兒把筆已能書

為奎姪題延香室

脩竹東連齋閣深篆煙長裊散輕陰客來如入芝蘭室
佛語徒聞薝蔔林王氏佩囊猶俗態韋郎掃地只清心
如何消受安閒福不是觀書定鼓琴

寄壽蕭文明七十

家有晚
榆堂

故人高隱在關東閩海歸時從兩僮甘蔗味佳初入境

晚榆陰重已收功詩篇欲和多仍妙書法爭評老更工
欲寄一尊為遠壽近來酒量與誰同

家藏集卷二十六